

XOV XWM TSO TAWM

Tso Tawm Rau Hnub Monday, 12 Hlis Ntuj tim 28, 2020

Xav Paub Ntau Ntxiv: Hu Rau Jeff Fleming Ntawm Tus Xov Tooj, 414-286-8580

Nroog Milwaukee Tshaj Tawm Txog “Chaw Kuaj Mob” rau COVID-19 *Muaj Chaw Kuaj Mob Ntxiv Nyob Rau Cheeb Tsam Muaj Neeg Mob Coob*

Lub Nroog Milwaukee muaj chaw kuaj mob ntxiv rau COVID-19 (Mobile Testing for COVID-19 – chaw kuaj mob uas tshais tau mus rau lwm qhov chaw). Thawj qhov chaw kuaj mob nyob rau ntawm Barack Obama School (tsev kawm ntawv Custer High School qub) chaw nyob 4300 W Fairmount Avenue uas yuav rov qab kuaj mob dua rau hnub Tuesday, 12 Hlis Ntuj tim 29th thiab yuav kuaj ntxiv mus li 2 lub lim piam tom ntej no.

Qhov Chaw Kuaj Mob yuav pab kuaj mob ntxiv nyob hauv Milwaukee rau tej qhov chaw uas muaj mob COVID-19 sib kis ntau. Thaum Milwaukee Health Department pom hais tias muaj kev mob COVID-19 coob nyob rau tej thaj chaw twg hauv lub nroog lawm, yuav muab qhov chaw kuaj mob no tshais mus rau thaj chaw ntawd. Qhov chaw kuaj mob no muab kev txhawb ntxiv rau cov chaw kuaj mob nyob rau ntawm Northwest Health Center, Southside Health Center, and Miller Park.

“Peb paub hais tias kev kuaj mob yog ib qhov tseem ceeb uas pab tau kom tsis txhob sib kis kab mob COVID-19. Kev kuaj mob qhia tau rau cov neeg muaj mob kom lawv yuav tau cais lawvn tus kheej mus nyob ib leeg tsis txhob xyaw lwm tus, thiab ua kom cov neeg uas tau nyob rog cov neeg paub hais tias muaj mob mus kuaj mob,” Mayor Tom Barrett hais. “Vim hais tias nws yog ib yam tseem ceeb heev, peb yuav ua kom txoj kev kuaj mob yooj yim thiab muaj rau txhua leej txhua tus.”

Qhov chaw kuaj mob no qhib hnub Monday txog Friday thaum 8:00 sawv ntxov txog rau 12:00 tav su thiab hnub Saturday and Sunday thaum 10:00 sawv ntxov txog 3:00 tav su. Dhau lib qhov chaw kuaj mob nyob ntawm Barack Obama School lawm, lub Nroog Milwaukee tseem npaj qhib ib qhov chaw kuaj mob nyob rau sab south side thiab.

Lub nroog Milwaukee ntiav ib lub chaw ua hauj lwm los kuaj mob nyob rau ntawm qhov Chaw Kuaj Mob no. Cov neeg mus kuaj mob nyob rau ntawm qhov chaw no yuav paub tau hais tias lawv muaj mob los tsis muaj nyob rau ib ob hnub tom qab kuaj tag lawm.

Kev kuaj mob nyob ntawm qhov chaw no yuav yog dawb xwb. Tsis zoo li lwm qhov chaw kuaj mob hauv lub nroog, qhov chaw kuaj mob no yuav xa tus nqi kuaj mob mus rau tus neeg kuaj mob daim ntawv kho mob. Lub nroog tau txais tsoom fwv cov nyiaj yuav them tus nqi kuaj mob rau cov neeg tsis muaj ntawv kho mob.